

Vlada RS mora preduzeti aktivnosti u vezi Izvještaja Komisije za slučaj Palić

Nakon sastanka održanog u Banjaluci 3. maja 2006.godine sa premijerom Republike Srpske Dodikom, u toku kojeg se razgovaralo o slučaju pukovnika Avde Palića, viši zamjenik visokog predstavnika Peter Bas-Backer je uputio dopis premijeru ponavljajući da Vlada RS mora bez odlaganja djelovati u ispunjavanju mandata Komisije Vlade RS za slučaj Palić te locirati posmrtno ostatke i predati ih porodici.

Nakon što je Komisija podnijela svoj izvještaj 21. aprila, u kojem se vremenske prilike navode kao razlozi zbog kojih posmrtni ostaci ne mogu biti ekshumirani u predviđenom roku, Vlada RS je preuzela na sebe da se ekshumacija obavi "u roku od nekoliko dana". Međutim, do danas nije još došlo do nikakvog napretka.

U svom pismu premijeru Dodiku, ambasador Bas-Backer je izrazio zabrinutost zbog neuspjeha Vlade RS da djeluje.

On navodi da je Odluka Doma za ljudska prava o obavezi vlasti RS u vezi Avde Palića povezana sa ratnim zločinima. Pad Žepe je predmet slučaja koji je u toku pred Haškim tribunalom pa prema tome vlasti moraju ovom pitanju dati najviši prioritet.

Premijer RS Dodik je u toku sastanka sa ambasadorom Bas-Backerom preuzeo obavezu da se lično angažuje u ovom problemu. Premijer Dodik je rekao da će u toku sljedeće sedmice posjetiti područje Han Pijeska kako bi obezbjedio da se ostvari napredak prije sljedeće sjednice Vlade RS koja će biti održana 15. maja.

Naravno, i Vlada Federacije BiH bi trebala preduzeti

aktivnosti u vezi važnih odluka Doma za ljudska prava, kao što je ona u vezi nestalih Srba iz Sarajeva. Viši zamjenik visokog predstavnika će sa Vladom Federacije BiH uskoro razgovarati o ovom pitanju.